欽 定 全 唐

	Paranting to	securios in the second and	grundski kirki ene			ing on the second	or established as	ઇલ્લીક્ટર કરિકાલિક
請禁以降誕日為節假奏	李元素	請置詩學博士書	李行修	論帝王宜儉疏	對穆宗疏	請詳定御史班位奏	崔植	欽定全唐文卷六百九十五目錄

劉肅胥山祠銘并序	盧元輔 祭權少監文	蕭籍	韋宗卿 蕭齋記	一
----------	-----------	----	-------------------	--

	修漢太守馬君廟記	宣州南陵縣大農陂記	韋 瓘	請置王府寮吏公署状	裴簡求	奉義郎試洋王府長史濮陽吳府君	短同	大唐新語後總論	大唐新語序
						濮陽吳府君墓誌銘并序			

	浯溪題壁記

當臺新除三院御史授上日職事先後去元和十二年御 欽定全唐文《卷六百九十五 植字公修宰相祐甫猶子立為嗣長慶初拜中書侍郎 史臺奏請應除御史職事但據上 五十八贈尚書左僕射 欽定全唐文卷六百九十五 南節度使入拜戸部尚書出為華州刺史太和三年卒 崔植 書門下平章事罷為刑部尚書旋授岳鄂觀察使遷嶺 請詳定御史班位奏 崔植 一日為先後未上日不得

慢量道路遠近則臺司别具名開奏須議懲責追止顛 伏綠臺司職事各有定分先後次第不可逾越若行立 來處各有遠近若據一月便為懲創恐乖舊例殊未合宜 三院御史職事行立一切依勅文先後為定以後赴職稽 既依勒令公事先後須繫到日則院長本職翻然在 事而已 置錯亂無所遵承行之累年轉見其弊伏請自今以 班次即宜以勒內先後為定臣伏以御史除官之時據 月數者准其年九月七日動不逾一箇月不在此限行 班

以貞觀一 為政此二人者天生俊傑動必推公夙夜孜孜致君於道 環當手寫尚書無逸一篇為圖以獻明皇置之內殿出 欽定全唐文 卷六百九十五 崔植 觀省成記在心每數古人 皇守文繼體嘗經天后朝艱危開元初得姚崇宋璟委 則代創業之君多起自人閒知百姓疾苦初承丕業皆能 精思理太宗文皇帝特禀上聖之姿同符堯舜之道 佐股肱君明臣忠事無不理聖賢相遇固宜 朝四海寧要有房元齡杜如晦魏徵王 穆宗疏 八至言後代莫及故任賢戒欲心

良史非貌言漢承素侈縱之餘海內凋實文帝從代來知 亂之殊先臣具陳本末臣在童時即聞其說信知古人 **穑艱難是以躬履儉約為天下守財景帝遵而不改** 則天下幸甚 斯缺矣建中初德宗皇帝當問先臣祐甫開元天寶治 弦作戒其益宏多陛下既虚心履道亦望以無逸為 沖漢開元之末因無逸圖朽壞始以山水圖代之自後 無座右箴規又信姦臣用事天寶之世稍倦於勤王道 論帝王宜儉疏

天下也 家給戶足至武帝時錢朽貫穀紅腐乃能出師征伐威動 四方然侈靡不節末年戸口減半税及舟車人不聊生乃 と言うこうし、名言して 拜獻書闕下臣覆視漢初經籍起口傳壁匿換然明備其 行修長慶中官殿中侍御史左司員外郎 **元和三年六月** 小哀痛詔封丞相為富民侯然則帝王不可以不示儉於 李行修 請置詩學博士書 日鄉貢進士臣李行修謹昧死惶恐再 崔植 李行修

嚴師道使之然也迨乎桓靈之世遂使扶持元極匡飭頹 多られていたり、老フェナー王 能使天下由之致理明矣大率五經皆然臣獨以詩學 所由者修廢官立太學朝夕講買以究聖意歲時程課以 歌怨誹之音作用之察吏理審教化是以四海雖大奉生 俗專委裘以終大運其儒術已試之明效數近學無專門 開趨所急也伏惟陛下赦其愚瞽垂恩聽察夫詩者發 經無師授以音定字以疏釋經是能使生徒由之中才不 之蘊故謂之風手舞足蹈之音作用之光祖宗垂風聲勞 廣猶民人之和氣息乎踵達乎顱流乎手足猶草木

豐澤漸乎根窮乎抄被乎枝葉上下無滯氣內外無遁 於禮素其辭主文誦諫而不許其教溫柔敦厚而不愚 道濟於下吾若之何乃採其詩合三百五篇善者全而 尼接於其時謂王者宜以陶冶風俗臣下宜以洗濯疑謬 治於下下無快心王化盛告成功於神明德澤衰反變化 不善者全而去非如春秋諸經或革或因相錯而成也其 禮樂征伐天地陰陽有度假於辭可見喜怒哀樂哉 此則詩得其任風得其性也昔殷周相承俱有聖治道 無方非其志莫傳志士躬當治亂之時氣有慘舒之 李行修 7

變臻於極而後動積於中而後形故言之成文歌之成聲 以之舒静道源於是絕而莫嗣獨有楚屈原頗得詩人之 敬於人而人敬未施哀於人而人哀頑者以之開 風介於子蘭斯尚之間終以放死故其道不竟泊秦姍笑 以及漢 代燔燒經籍世儒坑死於是後學軋於相語暗吃相授 近 全 是 文 · 卷一百九十五 由是選耍觀望將迎忌諱勸百訊 術立於學官雖章句大修而比與未喻時揚雄司馬 一不至則非全矣是以聖人以全動物物英能固未施 興雜全經者七十年師口說者四三輩漢武為好 推波助瀾文雖 明 躁

未隆於時風雅未洽於下敬未隆則士不勸風未洽則言 **薄詩道陵夷蘊義感慨之士至曰吾何從乎上之追屈原** 究終得其助故自殷已降有天下者莫長焉厥後君臣道 次主全 喜文 长六百九十五 不足以全性命下之跡相如不足以匡過失故居常則鬱 多缺故聞者卒愕而慍者多暗投而却也自十聖紹業盈 餘不足稱也然以本學沒盛時因災異屢啟直聲初或 一百載經術益試周旋百度吏事反為綠飾霸道無所好 以其胸襟雙時其齒牙代莫通其源臣伏思之以為詩教 及陛下又登禮嚴穴發揚隱伏宸心讓議猶天地相宣 李行修

弟子員如漢朝故事然後命瞽史納於聰明命司成教之 為師法傳經而行其毛鄭不安者亦隨而刊正選立博士 韶公卿諸儒講其異同綜其指要列四始之元本窮六藝 世子是謂端本由朝廷被於民里由京師施之遠方是謂 之粹精不使講以多物而無譯蔽之一言而得其言極者 乎書殘於古今論失於齊魯漢有毛養鄭康成師道可觀 速聖朝劉迅者說詩三千言近代言詩者尚之伏惟陛 化而不浮如此則詩學何為鬱然積於空虚不用之地 ケ イ・メ ニッ・ラ ニ・コ・コ 風昌言與日月横喬以辭讓次征伐而不暴以誠明

垂 聞伏待刑碎 之不難矣微臣不知時變溺於師言謹詣光順門昧死以 豚魚甘堇茶來異俗懷鬼方皆在一 元宗肅宗降誕日據太常博士王涇奏按禮經及歷代典 生徒是謂與古四者旣備大化自流則動天地感鬼神德 元素元和二年官御史大夫戸部尚書 化復采詩之官以察風俗是調兼聽優登才之選以 李元素 請禁以降誕日為節假奏 李一学,李元素 致推而廣之神而

一欽定全唐文 卷六百九十五 將畢謹尋禮意不合更存休假之名請付尚書省集百官 肅宗降誕之辰又請以此日為天平地成節休假一日 臣子之心喜君父聖壽無疆以為榮慶今園陵既修升 是天下以為常乾元元年太子太師韋見素以九月三 亦皆休假臣以為乾曜見素等所奏以為節假者蓋當時 後代宗德宗順宗即位雖未別置節日每至降誕日天下 源乾曜以八月五日是元宗降誕之辰請以此日為千秋 故並無降誕日為節假之說惟國朝開元十七年左丞相 休假一 一日羣臣因獻甘露萬歲酎酒士庶村社宴樂 自 由

與學官參議劫宜依者臣等聞君子名之必可言言之 行之禮請依王涇奏議並停 蕭字俱載舟還洛陽仁風里第思所以盡其瞻玩藏置之 順宗五聖威靈在天已久而當時慶誕猶存正可言不可 可行故可言不可行君子不言伏以元宗肅宗代宗德宗 人ところころしてもころしても 宜謂箱櫝臨視不時又有緘啟動揺之變遂建精室陷列 **諗官主客員外郎** 張 諗 蕭齊記 李元素 張諗

寶意象所得非常域也故異而室之文而志之夫蕭之爲 矣亦不越於尺素之間未為殊情也蓋壁字奇蹤乃為希 金与全屋又一老六百十五 露交飛龍鸞紫動輕佈翻揚微雲卷舒不能狀也李君以 言也切然而清於文也蔚然而整宜乎銘壁宜乎命齊蕭 至行雅操者名當時逍遥道樞脱落祭利識洞物表神交 於垣復本書之意得遥觀之美寂對虛牖勢若飛驚雖 齊之名與此字傳矣 古人而風致之餘特精楷隸所得魏晉已降名書秘迹多 卿 烟

欽定全唐文 卷六百九十五 萬斯年石不能言人未稱高寶歷紀元給事中隴西李 宗卿元和中官侍御史戸部員外郎出為益州刺史 **郭千岩競秀世情賤目俗態無心故茲山接城郭之間億** 地干霄上為熊晓攢空交映積為崇嶺越之山也桂林 天作南北星斗辨之地分方夏山川間之其土殊其鎮異 雲為越嶺時雨六條紅布百城震肅人既安年既豐羽扇 以直諫匡主圖赞國政時未及泰人安得寧公辭帝鄉 故磅礴博厚隱鳞鬱律連岡走峰干里一息素之山也發 隱山六峒記 幸宗卿

轉五十步至夕陽峒峒長數十丈其旁有水與峒終始 澄為靈泉播為陽江水側平坦可坐數十人自南華峒 左首至於南華峒 太素至說稱傅谷關洪荒及超號張我得茲山以隱名彰 祝融之火後清池而壓元武之水外孤峰而競聳中六洞 空摇鈴閣不引盼羣山而獨 潛通諒仁智之所樂信靈仙之所宅登山自西舉趾 其為狀也左扼郡城之固右對招提之利前虚明而散 山在焉且諡為隱若夫地因人傳山自人顯故有嚴結 峒中水長十餘步瀾不可踰深莫之測 往與發得絕境而素尚心來 惟 西

清瑩可愛又東南轉一十步至朝陽峒峒中有水旁浸潭 欠らというし、はいっしっこ 側長可數十步三峒之水周圍相通亂於池入於江水 如鳥斯飛如虎斯蹲如衣裳發笥如龍蛇出奔乳實懸玉 **鍾甲朱戴楨尾人或見者龍以敬之潭之左右怪石萬狀** 廣又北轉而東八十步至於石門自石門又東北五十 水之東高下有石如砥如礪十數人可越峒窮有大石高 可跂及廣不盈尺鑿穴而望復使下尋有潭東去莫究深 石壁流雲潭之南有石室深有便房高有石窗追琢不 北牖峒峒虚潭幽其水潑墨中有巨魚可三四尺鏤鱗 幸宗卿

榻勒為基局對以手談局之左右可以 偃仰詠於斯觴 至雲戶戶內博敞客三十人旁透虚明洪纖可鑒有貞石 綿絮却下從峒口北轉路絕越險山展不通構梯架空得 險可至窈窕深邃羽人來暨却上南壁約六七丈有雙碧 其側可坐五六人左右石壁皆光滑密緻有如磨磐不碍 金万白屋了一是プアノー王 水浸於潭側故曰側潭尋側潭之西數十步上有潛洞歴 石盤懸如半壁容水數升其上尋尺有一白石盆常有水 有石高可三尺其色白其容光圓如薰籠大如巨狀以 餘酌之不竭味甘如體色白疑乳煎以病愈飲以顔

戸外有二徑其一直上至山頂山之最高處也桂江屬望 欽定全唐文《卷六百九十五 紫紆若帶越鎖退跳點緩如黛寸眸千里周覽一息構亭 霜羽旗觜紅趾且旌雀瑞因志峒名峒口狹監側身稍通 斯賓從徒侶各有攸處出雲戸下視北牖蒙溪如指諸堂 摩臍夾耳可以方之漸下十餘步其右有立石望之如 阻旣而亭構因目之為慶雲亭自亭却下至南華峒口又 極望萬狀競變五色相鮮州吏請圖以獻之公允而不 徑西去十餘步至白雀峒郡人有獲白雀來獻者雪毛 一以俟登臨是歲孟秋月慶雲見於西方自卯及酉南 草宗卿

次有石室光滑寬敞人或偃息可容數十從此更下有元 若就樓而看者元潭波澄水色如墨見者神竦方暑生寒 或逾之峒內有穴通嘉蓮峒初嘉蓮峒開而未得其號會 有乳垂亦如朝陽峒者視其周圍但微小耳愛其光潤 峒其深不測中路多白蝙蝠飛舞在空從東有穴棧閣 乃作閣道架潭瞬息疾過西南透於石穴中石穴路右復 而望如妝點成樓南有二石相去總數尺被服如人狀意 獻同心道者遂紀事而名之從峒北出六十步西去有 其深莫測潭東西路上有一石樓高低可二三尺自下

笙等以間有石琴薦寘以撫紅聲越金玉自峒西去至夕 莫能究之西穴出於峒口峒內平坦石楊縱横湯若在茲 陽出西山復人寰六峒之能事畢矣自諸水隱山下池諡 飲定全害文卷六百九十五 溪溪源在北牖峒東北里餘出於北山自山南流會於 迴 曰蒙泉派合成流水源有二其 却透元潭之北有两穴東穴透明長可數丈人不可 五六里間方舟蕩漾靡微風鏡清波棹女唱榜人歌 **思朝陽旁浸北牖出於南華流沚積為池其一** 峒水合而成池池因山麓不資人力高深向背繚繞 章宗卿 一源自夕陽注嘉連經 源自蒙

之不大也招提之南長松夾路陰濃蔽日韻響含秋 空蘋末風清荷底水紅奠者取饑者採與人同利恨斯池 族載依鳥醫翔冰鳞介是宅魚鼈毀唱野女依叢游 之青翠絲竹競藝賓僚滿觴歌聲過雲舞影臨水取樂 厨戶列便房華而不逾儉而不逼面茲池以混漾對他 山 之粉澤松側有竹夤緣盡岸策杖未窮步履猶遠北 酒之場可以構隱楹為更衣之所乃作水閣立風廊 理松異本同幹內有個蓋松低枝覆空為寺之光華作 口有問田砥平南北十餘步東西稱是可以施欄檻 外 爲

欽定全唐文、卷六百九十五 維年月日門生義武軍節度使行軍司馬文林郎檢校尚 執筆紀大賢獨得之勝并立碣垂隱山六峒之由匪曰為 州刺史 籍蘭陵人長慶中義武軍行軍司馬遷御史中丞出為襄 文且示來者 西南北百年不閒旣别而復會茲山悵懷而未卜他日請 日鄉心暫忘客有中席而言曰夫時景賞樂四者難備 祭權少監文 章宗即、蒲籍

敬祭於前相國故山南西道節度使檢校吏部尚書兼與 書戶部員外郎驍騎尉賜紫金魚袋蕭籍謹以清酌之奠 有二人惟籍無生名不聞於將命者公以至公俾居選中 縕之和為唐虞文武之臣宜乎壽登期順福如崇山安危 以寄言也嗚呼哀哉公昔在貞元實司文衡第甲者七人 所注意致大君於三五之日如何昊天壞我梁木承計之 元尹御史大夫贈尚書左僕射之靈伏惟明靈禀天地細 數仍之牆得門而入荷此知已與嵩華為輕矧乎侍立班 日播紳失望崑僑終蹇謝與謡輟相之足云乎信無等級

欽定全唐文《卷六百九十五 遣使償神理之來顧底至誠之上達嗚呼哀哉尚饗 元輔字子望姦臣杞子擢進士特恩拜左拾遺累官刑部 趙之交神馳於涇渭之表瞻望遐路心懷目取其可及乎 請會葬元侯不許旣不得見良杖之日又不得見如斧之 所可慰者臧孫有後載揚載顯期在茲日以此忍哀齋心 封思欲如赤為志如賜築室邈乎其不可及已身寄於燕 寢之働百身何贖嗚呼哀哉伏以天子有命司戎使車三 **墀常趨後塵退食台庭亟承嘉言昔之少别今成永訣** 盧元輔 蕭籍 盧元輔

父事君罔有不舉寢廟旣設我命厥新有周行人伍公字义乃啟忠祠銘而序曰維唐敷祀典於天下廢淫置明資 將職鴟革遂臨浙江千五百年廟貌不改漢史遷曰胥 子胥陪具之職得死直言國人求忠者之尸禱水星之 太和三年卒年五十六 和十年冬十月朝散大夫使持節杭州諸軍事杭州 郎拜華州刺史潼關防禦鎮國軍等使入為兵部侍 杜國盧元輔視事三歲塵天子書上畏羣靈下惭 胥山祠銘并序

一个云青山者繆也吁善父為孝記 曰父響不與共戴天諫 君為忠經曰諸侯有諫臣不失國當訪於宋鄭絕楚出疆 欽定全唐文卷六百九十五 虐惟后成湯用為大義孔子立為大經子胥修為大仇騷 人賦為大怨成令在上慢惡不生則前之鞭墓非倒行也 在平為未官臣在奢為旣壯子坎壞仗節乞師於吳軍鼓 後戈走昭非逆施也夫差旣王宰嚭受胳二十年內越祀 馬熟謂矢毒熟謂刀寒雖言屢出口而車甲已因於齊矣 又顯太伯廟血將乾闔間劍光且失公朝則宴焉入則諫 丁寧五戰至郢先結王建邦啟土著以語言戴后惟人人 盛元輔 古

蟹稻已奪於歲矣屬鏤之賜竟及其身鴻夷盛屍投於水 在戸雷鼓在堂魏鹤漢豆六代笙簧可謂奉天爵之馨香 有腥選實乎下庭山海梯航雞林扶桑交臂於卯階金狄 如吕梁丈人為靈戈威矛激沒百重渚塞不先跳檣揭舷 親大耀 成靈卷沙墨裂地灰截若岸坼成坑迎潮民格之 濱慎惟鼓怒配濤作神其神迄今一日再至來也海寫奉 再飯之間絕其音聲蕩漭千里洪波砥平有滑有脂有鹹 飛陽侯夾從聲遠而近聲近而遠奮於具怫於越夕於楚 乃退於是仲秋闕望杭人以旗鼓近之笳簫和之百城聚

殱 挾矢仗其寶劍以謁呉子稽首楚罪皆中紂理蒸報子妻 武王鉞紂子胥鞭平為人為父十死一 獲 簸蕩東西夷蠻开服罔敢不來雖非命祀不讓瀆齊帝帝 顯越言潤字嚭讒輯步光欲飛姑蘇待執吾則切諫抉 大舉右廣皆朱戮墓非赭瞻昭乃鳥後王嗣立執書以泣 氣銘 銀直士赫赫王間實聽奇謨錫之金鼓以號以誅黄旗 入投於河上自統波濤畫夜兩至懷沙類縣洗滌南 (神之盛禮佐皇震怒驅叱大邪萬里永清人觀叶 日 生矯矯伍員執 弓

欽定全唐文人卷六百九十五 火遞與雖敢干戈質文或異而九邱八索祖述莫殊宣文 左史記言尚書是也右史記事春秋是也自唐虞氏作木 自庖羲畫卦文字書與立記注之司以存警誠之法傳稱 肅元和中歷江都縣潯陽縣主簿 王王代代明明表我忠哉 刑落其祭蕪邱明招拾其疑闕馬遷創變古體班氏遂業 刑書編集既多省覽為殆則擬虞卿陸賈之作袁宏首氏 劉肅 大唐新語序 盧元輔 劉肅

涉文詞道可師模志將存古勒成十三卷題云大唐新 萬 史冊之與其來尚矣蒼頡代結繩之政伯陽主藏室之書 聊以宣之開卷豈敢傳諸奇人時元和丁亥歲有事於 丘之月序登仕郎守江州潯陽縣主簿到肅撰 風謡懼招流俗之說今起自國初迄於大思事關政教言 一鈴雖為小學抑亦可觀通來記注不乏於代矣聖唐 載幾二百聲明文物至化元風卓爾於百王輝映於前 肅 不換庸淺朝為纂述備書微婉恐貽床屋之尤全採 大唐新語後總論

為春秋尊君早臣去邪歸正用夷禮者無貴賤名不達於 欽定全唐文《卷六百九十五 晉之董狐楚之倚相皆簡牘推輪也仲尼因魯史成文著 垂文以行教非徒皆以日繁月編年敘事而已後之作者 王者無賢愚不由君命者無大小人邪行正案其人人正 無力病諸司馬遷意在博文綜覈疎畧後六經而先黃老 賤處士而寵姦雄班固序廢與則褒時而蔑祖德述政教 則左理本而右典刑此遷固之所蔽也然遷直而事備 邪棄其國此春秋大旨也故志曰仲尼成春秋而亂臣 子懼又曰撥亂世反諸正莫近春秋春秋憑義以制法

前修不尚奇正之謀重文德也不姦縱横之畫賤狙詐也 矣昔荀爽紀漢事可為鑒戒者以為漢語今之所記庶嗣 為贅疣徒有者述之名無裨政教之闕聖人遺訓幾乎息 身遠害旣乖直筆空茶舊章自茲以降漸已陵替也國家 刊淫靡之詞歸正也損術數之畧抑末也理國者以人為 革隋之弊文筆聿修貞觀開元述作為盛蓋光於前代矣 煜絀公才而採私論捨典實而飾浮言陳壽意不速文容 文贍而事詳若用其所長蓋其所短則升堂而入室矣范 たことに手にしたこうしても 自微言既絕異端斯起莊周以仁義為獨狗申韓以禮樂 劉肅、冠同

於吳至武王始大其邑春秋之後與為盟主及越減吳子 化縣丞父瑛冕皇任禺州别駕題與貳邑克著公清積 孫奔散或居齊魯間因為郡之籍氏焉祖偉皇任虔州唐 之善罔不備書百代之後知斯言之可復也 本當厚生以順天立身者以學為先必因文而輔教織微 府君諱達字建儒濮陽人也其先與周同姓文王封太伯 同寶歷時鄉貢進士 金万百屋文一老少正ノ十五 寇同 奉義郎試洋王府長史濮陽具府君墓誌銘并序

欽定全唐文 卷六百九十五 業里之私第春秋六十七以其年十月廿日辛酉附葬於 荣趣玩琴尊之樂雖二疏之辭禁四皓之讓禄雄之長史 青鳥占電穸之期白鶴為吊喪之客夫人扶風郡萬氏閨 京兆府萬年縣洪固鄉北韋村嗚呼梁木斯壞哲人其萎 今古何殊不幸以大和四年夏六月有六日遘疾終於勝 於豫章晚徙家於京國優游墳典怡性林泉脱棄軒蓋之 不好弄長而能賢清白自持有南朝隱之之操雄謀獨運 得東漢漢公之風歷階奉義郎累試洋王府長史始者籍 所鍾實繁允嗣別駕娶鍾氏而生四子府君即其長也弱 道優林泉積善何珠逝於中年洪固高原南抱樊川住城 武幹材或親衛於丹墀或繕經於白武追除光之莫及痛 大馬代著仁德府君嗣旃清慎康退吾無間然我試王府 紀陵谷之變銘曰 人實生二男一女長目仲端次曰仲與並勿而敏慧有文 歷元年十月廿一 日捐館於前里第及今克遵耐禮也夫 門肅穆無慚班氏之賢四德不虧豈謝謝姑之德先以實 呉氏之先周室配天封伯東南世多其賢春秋之後國始 風樹之不停以其禮經有制空垂志行之文金石靡刊孰

欽定全唐文、卷六百九十五 日賣與那寧節度使高霞寫伏以在城百官皆有曹局惟元和十三年七月十三日莊宅使收管其年八月二十五 伏見諸王府本在宣平坊東南角摧毀多年因循不修至 簡求實歷時官瓊王府長史 於管轄遂使下吏因茲弛慢王官為眾所輕雖業列在官 王府察吏獨無公署每聖恩除授無處禮上胥徒散居難 營營宿草 半羊鸞鳳兹 附遍兆叶吉夜月松風萬古斯思 装簡末 請置王府察吏公署狀 装簡永 幸華

曹道路息是非之論 桂管觀察使 瓘字茂宏京兆萬年人及進士第仕界中書舍人與李德 處如此則人吏可令衙集案順可見存亡都城無廢闕之 裕善李宗閔惡之貶明州長史會昌末界遷楚州刺史終 班皆為偷安散秩伏以府因王制官列府中府既不存官 司虚設伏乞賜官宅一區俾諸府合而共局庶察會而異 宣州南陵縣大農陂記

皇帝四年今地官侍郎盧公觀察宣部精心厚下重難己 宣郡支邑十城而南陵處劇蓋由庶民閣豪物産多狀 率乎下令邑中有能修復陂塘積水防患者終懋厥功先 姦廉以約身和以納民敏以應物物不天落民得休泰盧 長乃以寧國命順陽范君假南陵印為大夫於是肅以檢 欽定全唐文人卷六百九十五 極自非肅康和敏措動守中則莫至良能况功利及物那 **時縣有廢陂 曰大農積歲不理荒梗幽扈邱隰遁形空規** 公當曰時或爽候雲龍遁逃膏澤鄉枯物不遂液吾人其 關錯風俗詭浮故理東則民潰政放則民怠惧不得其 韋雅

一人其始也驅江波六十里活活下來關荒梗數萬畝汪 不殘民力不費金刀潛軟化工事於農際三旬而畢不 勢便仁以撫馴悦以附來法以督姦勤以勸勞於是雲動 置置波翻風合范君獨判於心不畏騰口 目利於人也使 殘狀非鄉黨之壽產不可款識與人飛語他邑病能告告 雷行斬莽關無撥腐曝淤培高徹里不知形疲不憚苦骨 計之具者揭列綆鋪筥礫襲堅披材輦壞日必巡丈周察 功况吾君侯明吾天子聖尚何懼哉乃召鄉老里正尹而 吾獲戾而惟悔真吾心也且點愚皆苦於始作而泰於成

次三全事文 长六丁九十五 浩浩獨落天光順勢導流猶潤百里則貫畦浮塍卒歲之 魃為虐歐蒸瘅怒蛟龍追誅而翠潋摇岸澄瀾洗月浴溶 突出力桿鎖下若自開闢之初信為神物所相雖使江 激千頃 豈為多哉其細也孕鱗甲之族育島雁之羣羅· **渔臂發三港支分脈散澤入大田厥功旣成乃有風雨暴** 厚趾斯乃天贊其功豈非仁深於物乎其或火雲藝天旱 合災驚濤懷山太浸崩驅暴猛來敵亦不能軼峻防而侵 汪虚明聖石構鎖縱三百步龍蟠虎關横殺衝波泄流 洄激換晨虺虺沸會似開構作及乎雨斬雲除則沙洲 韋雅 Ē 河

善常推至公邑人三請於公乃曰他人有善惟恐不聞 宏張其化吏民甚安之追論大農盛續因民之心以成 范公以文行德器挺為時賢爰領宣部仁義明舉其下 平范君尋遷御史後三年吏民益慕而願表尤功今連 及物者也則大農傑跡功符天作可以論古對能豈有 其功也可以灼當世而芳千古矣昔者西門豹治 清蔓合菱藻漁父舟人浩歌揚概厚生之物永永不 也功利如是吾豈能故哉乃從之邑長李尹久以材能 卿治上蔡而史氏書美顯白良能以其因水茂功利 グとまっとオコーラーコ

章偷或參其議或督其事泊百姓朱綸李縱田邱程允等 若干人咸請予為記云元和八年歲次癸巳六月壬午 善志亦春秋之事也鄉將石定錄事丁宗者壽戴誠佐 欽定全唐文《卷六百九十五 東漢太守馬君臻能奉漢制撫寧越封仁惠公利俗民陶 餘年縱陽驕雨淫燒稼逸種唯鏡湖含澤驅波流浴注 巨浸横合三百餘里決灌稻田動盈億計自漢至今千 五日丙申建 殊績章白書於舊史其尤異則披檢夷高東波園境 修漢太守馬君廟記 韋瓘 王

早災變輒加心禱精意所向指期如答則君子惠物本 於化樹功本同於治對德相望是宜刻石二十年二月 馬君忠利之績神氣未滅壽宫不嚴何以昭德十年十 平昌孟公誅斷姦封寬遂民類教化修長氓吏畏慕當以 大海災凶歲穀穰熟俾生物蘇起貧羸育富其長計大利 深念功本爰立祠宇久而哆敗今皇帝後元九年觀察使 乃崇大棟梁誅翦穢梗禮物儀像成極絜好後每遇水 人如此孔子稱民之父母馬君有焉開元中刺史張楚 同

						Assumption dead	
饮定全唐文 卷六百九十五		二月七日	歸洛中方與猿鳥為伍得喪之際豈足介懷	竿有池一畝罷郡之日攜猿一隻越鳥	却歸來還是杜陵一男子余洛川弊廬在崇	分司優開誠為泰幸官途蹇薄分亦可知因	浯溪題壁記
幸瓘			之際豈足介懷大中二年十	一雙	洛川弊廬在崇讓里有竹千	海分亦可知 因吟作官不了	

.

.

									Verienbles de linutera
101.11.11.11.11.11.11.11.11.11.11.11.11.	山鳳凰賦井序	重量美蓉賦井序	白美蓉賦井序	鼓吹賦井序	通犀帶賦井序	畫桐花鳳扇賦井序	黄冶賦井序	李德裕一	欽定全唐文卷六百九十六日錄
						•			新文藝出級社藝書

懷鴞賦井序	傷年賦井序	問泉途賦井序	振鷺賦井序	蚍蜉賦 井序	軟器賦井序	積新賦井序	智囊賦井序	孔雀尾賦井序	一般定全唐文 卷六百九十六
						4			
				,					

DL.	est de la contrabació	ungan Jamasa	Printed and Printed		Bysics Various and	venteerst mer			
欽定全唐文卷六百九十六					 				
全									
唐						白	柳	斑	碧
文						白猿賦井序	柳柏賦井序	竹	觀釣賦井序
	 - 			<u> </u>		賦	賦	筆	賦
松六						井台	并	官	幷
百九	ı					片	[]	賦	序
工		5	-					一 一 二 二	
-			1 5			1		/ 1	
日鉾	-			•		i.			
±EJs.									
]			,	
				 			_		
				;			,		
		,					·	<u> </u>	
			 				'		

.

爲興元節度使徙鎮海軍武宗立召授門下侍郎同平 蜀道有青城我眉山皆隱淪所託辛亥歲有以鑄金術干 係分司東都再貶潮州司馬又貶崖州司馬卒年六十 德裕字文饒趙郡人宰相吉甫子文宗朝拜兵部尚書以 事兼左僕射守司徒進太尉封衞國公宣宗立以太子小 欽定全唐文卷六百九十六 本官同平章事封賞皇伯為中書侍郎集賢殿大學士罷 李德裕 黄冶賦井序

風馬索熾陽為火元黃之氣絪縕和粹稟而生者為仁 飲定全唐文·秦六百九十六 夫侍側帝日子知其術乎仲舒進日臣惟聞天地變化聖 邪進取威稱化丹砂為黄金可以登青霄而輕舉時董太 升龍於鼎湖乃甘心於斯語有方士李少君誦詐丕誕乘 漢武帝遭世承平百蠻以寧自謂德成堯禹功高湯武聞 猶愛信鴻寶幾嬰時侵況流俗之士能無感於此乎因作 人鎔範方士之言臣以為韶至如圓方為爐造化為治鼓 賦以正之 余者竊嘆劉向累世懿德為漢儒宗其所述作根於聖道

智是以生寶實繁終古不匱天地之鎔範鼓鑄也如是及 飲定全唐文 卷六百九十六 法天為造以得賢為實是以得其鴻名後天難老至於仲 取類若乃不務德業管信秘簽析年永久以極晴欲斯 成都夾岷江磯岸多植紫桐每至暮春有靈禽五色小於 漢道隆盛令名不虧 不由於正道無益於景福帝曰善乃罷方士而去之故得 夫堯舜之化大道為爐中和為冶聲教為索文明為火以 無位大莫能致猶鑄顏與冉底於極智聖人之鎔鑄也 畫桐花鳳扇賦并序 李德裕

散而川寂悵丹穴之何遠想瑶池而已隔爰有妙工圖其 麗容宛宛兮若餐珠於芳藥飄飄兮疑振羽於光風感班 豈青鳥之靈傷常飲吮乎玉液有嘉穀而不啄有喬松而 珍族又棲託乎瓊枝被零露兮甘且白涵晓月分麗鮮澤 爛兮星布彼嘉桐兮貞且猗當暮春兮發英鞋豈鴻雜之 不適獨美露而愛桐非人間之羽翮速花落而春歸忽雨 元鳥來集桐花以飲朝露及華落則烟飛雨散不知其所 始華分綠江曙粲鮮能兮汝朝露樹煜煜兮霞舒鳥爛 有名工繪於素扇以資雅子余因作小賦書於扇上

凉風於羅薦非欲發長袂之清香掩高歌之孤轉成玉女 客有以通犀帶示予者嘉其珍物古人未有詞賦因抒此 輕為原註南朝畫女乘衛而微眄未若繪斯會於珍道動 華兮陰碧湍美斯鳥兮類鷞鸞具體微兮容色丹彼飛翔 姬之素扇空皎潔兮如霰亦有美人增華點絢雀伺蟬而 一跃走全喜文 卷六百九十六 之提攜列崑墟之瑶宴乃為歌曰青春晚分芳節闡敷紫 作蓋盡其美馬 於霄漢此藻繪於冰統雖清秋之巴至常愛玩而忘餐 通犀帶賦井序 李德裕 ____

帶加之或服御之則附一作身號之則點續似達人之卷 站宣待瑩而增華温兮如玉氣舒虹粲兮若晨光樂霞彼 一擬葉烟霞異狀而輪困雖復孕元兔於月魄隱青續於鏡 含章而可珍包黃中之粹色發奇彩之彬彬芝草繞葩而 君子以良玉比德豈不以温潤而近人惟駭雞之至實亦 廓落之繁飾諒無足以稱嗟若乃名山岑寂珍圖誦說 塵顧霄漢之悠遠恨工人之弗真匠者以其靈可樂邪光 舒不專玩乎掌握別乎白璧雖美尚不掩瑕何兹物之無 能遠燭剪截本末發揮藻綠砥若礪金朝如切玉析以為 ノニジョラニーフニコ

前歡而悽愴乃為此賦 皆備此樂余往歲剖符金陵有童子六七人皆於此藝特 鼓吹本軒皇因出師而作前代將相有功則假之今潘圖 一殘而龍劍飛先哲所以聞象則服防患則微經侯委珮 妙每曲宴奏之及再至江南並逾弱冠悲流年之倏忽憶 去宣子辭環以歸 谷則麟馬粲然扶風則魚龍隱起徒有象而無施故雖奇 而莫擬然則美服珍玩近於禍機虞公滅而垂棘返壯武 鼓吹賦井序 经惠谷

崖谷其縱也狠羊關角奔兕相觸轉石振於崩溪燎野 蔽於天地其始也若伐木丁丁響連青冥喧禽萬族聲應 客來幸登高臺而互動對芳樹而並吹見鵬點之爭属鋒 爰有依重原註出類秀含聰思慮未敢專和發中繁會曲 折變態不窮交邁樂電揮手成風或累發而碎隱或徐弁 壯士之憤氣原註鵬鴞爭壯士忽疑翔雁叶於寒烟胡沙 追昔吳會之年思為衛霍之將懷瀚海而發憤想狼居而 而從容管孤引以時時鼓輕投而逢逢若乃清景妍和嘉 金定全唐文·卷六百九十六 在望厭孫濮之遺音感簫鼓之悲壯每聞效樂心焉猶尚

欽定全唐文 卷六百九十六 之常联於是勉其成人再命选作念所思而不見慨悲翁 昭灼 孔將比於鳴蛙陸反思於唳鶴彼衰退於憂傷並樂華之 兮諒昔人之多感觀移柳而與悽惜歲年之易往歎親好 於寒竹其終也如風殿暫息萬籟皆肅天地霽而雷霆收 金陵城西池有白芙蓉素尊盈尺皎如霜雪江南梅雨麥 蕭索原註所思悲 音豈殊於今昔情自有於哀樂乃知 放静而魚龍伏昔我往矣子於青青我今來思突而升 白芙蓉賦井序 李德裕 五

葭葵散飛鴻於林樾余乃鼓輕松入澄瀛原註楚詞 並於蘋末忽疑巨棒濯 塘兮清景暮環修潜兮碧流-新於賞心是時黛葉已繁瓊英始發搖瑞彩於波上挺纖 松遙觀其冰雪煥列宿於長河耀良玉於方折點白露 疲古人惟賦紅葉未有斯作因以抒思庶得其彷 朱明夕霽佳木凝陰蘭未歇其秀色鳥尚流其好音泛 後風景甚清漾舟綠潭不覺隆暑與嘉客泛玩終 越蘭衛徘徊容與放志遺祭近汀洲而 捧 作狗暫想其明月復似處子 一作深誠有感於近節思更 佛馬 、夕忘 回

蓝藻以爲席倚立荷以爲蓋發巧笑之芬芳感嘉期之來 而抗並傳羽危而適性合金絲而寫情管度風而音遠歌 無夕靄又如遊女解珮於漢曲宓妃採蓮之作於湍瀬舒 羅裙於磯岸且謂降元實於瑶池徙靈根於天漢帳霄路 未匹其華容由是南國之妹以為麗觀延華頭於沼沚曳 禮防躬銀輝光而流燭玉精氣而舒虹雖有貴其符采且 會嗟夫楚澤之中無遠不紅惟斯華以素寫絢猶美人以 出道徑而潭平飛鴻鴻起端龍揮水珠而濺葉動波 流而轉清旣而稍憩山作川陰暫遊霄外極望漪瀾靜 李惠裕

芳非世間之物因為此賦以代美人託意馬 昔柳惲爲吳與太守顧座客而嘆曰遊汀洲以採蘋憤 側移植蘋洲至今滋茂余項歲徒根於金陵桂亭奇秀芬 吳與郡南白蘋亭有重臺美蓉本生於長城章后舊居之 佳人兮密静處顏如玉兮無治容 盛華落兮嘆芙蓉 · 首花紫兮君不識萍實丹兮君不逢想 妍姿之昭灼待風雨而消散乃為歌曰秋水潤兮秋露濃 多定全唐文 卷六百九十六 兮永絕與時芳兮共玩聽高柳之早蟬悲此歲之過半彼 重臺芙蓉賦井序

之若珠闕玲瓏叠映崑拳粲玉女之光色抗霓旗以相從 迫而察之若桂裳重複鬱撓丹谷思江妃之窈窕發紅羅 膚秀類攢立叢倚疑西子之顏配自館娃而戾止遠以意 於君子悅麗色於當年於是縱蘭棹泛淪連吟朱鷺於遼 欽定全唐文卷六百九十六 日際海澄廓微風不起涵麗景於碧湍爛朝霞於清沚鮮 湘之故人悲白日之已晚惜青春之不返且欲拾瓊蘂於 " 管鳴鸱鷄於瑟粒臨漪瀾以遠望嘆華艷之何鮮是 山折瑶華於蘭畹客乃稱曰彼有清川爰生瑞蓮紅葩 而鬼鬼翠葉小而田田連而葉小於眾荷願得薦佳名 李德裕

並汝清露以擢秀流鮮殿而發精雖草木之無情亦獨立 **璣奪其光韻惟斯物之特麗宜獨秀於寥天在靈境而何** 之餘景思摘芳以贈遠更臨流而引領翡翠失其輝鮮珠 之紛郁爾其映蘭芷出蘋萍掩萋萋之眾色挺娟媚之修 降居下澤而何偏有繁華而不實嗟淑類而莫傳念莊盖 而傾城若乃行潦旣收秋光始靜見凉野之夕陰恨回塘 分感斯瑞蓮雖多分無厥類蘭徒芳分何足貴人已去分 三數年故人間罕有乃為歌曰吳山秀兮煙景娟因淑此花無實徒根又不乃為歌曰吳山秀兮煙景娟因淑 無子非巧笑之未妍彼天意之所屬諒難得而知馬註

鹦鹉賦文如終務邑人呼為山鳳凰愛其毛羽重於身命出應端文如終務邑人呼為山鳳凰愛其毛羽重於身命仰山在郡之坤隅高松翳景名量所集有麗鳥殊色, 懿靈山之岑寂實珍禽之可依何文章之英麗信羽族之 雖遭矰繳終不奮飛此夫雄雞斷尾則殊知異心矣余感 次已 白事大 长与九十六 所稀混亦霄而一色與白日而增輝與若玉女構必妃凌 而賦之以胎親友 代不留獨含情兮託茲地 丹壑兮遊翠微振桂裳兮垂組綬騰鑣駕兮曳鸞旗粲若 山在郡之坤隅高松翳景名量所集有麗鳥殊色殊色 山鳳凰賦井序 李德裕

金をとったってまつつつつ 天桃發兮山已春朝霞爛兮露欲晞或飲於澗或集於 身挂纖繳足履駭機畏采毛之摧落不凌厲而奮飛乃知 **糅芙葉之絳采掩虹霓之夕霏旣而衡網高懸虞人合園** 尾皆至余憫而為賦 故人以孔雀見遺死於中途將命者提挈情 君子之器與茲鳥而同饑 禄躭罷樂而忘歸玩軒冕而不去惜印綬而無時嗟乎 五之敗也以致其瓊升翠之焚也猶襲其寶衣何異夫懷 孔雀尾賦井序 作空龍與翠

宿之羁雌忽哀鳴而望絕遂委異而長辭異黃鵠之高翔 感君子之嘉惠意未忘於所知攜珍禽以贈余諒有貴平 欽定全唐文 卷六百九十六 冕之寄身與鐵翮而一 揭空籠而載馳想終羽而不見想修尾而增悲蘭色羊鬱 況復德輔如毛而鮮舉福輕乎羽而莫載何必負斯尾之 羽儀去舊國之岑寂歷三湘之嶮峨念未飛之眾雜懷獨 翹翹冒長途而效愛 金華陸離垂之分疑拖綠盤音戻舉之分如飛翠矮嗟級 智囊賦井序 一概雖暫禁而可樂終以飾而賈害 李德裕

神而索至况恬養以保身豈憂患之能累何與敗之相能 夫天之清氣為人而人之清氣為智苟虚心而冲用必窮 籍皆關聊以所記古今與敗粗成此賦 子以其智為武王陳洪範殺身者遠矣余久欲賦之比屬 揚子稱或問多以智殺身雄對日鼻陶以其智為帝謨箕 余嘗感漢晁錯魏桓範皆號為智囊不能全身竟惟大惠 乃躁靜而殊致或明遠而無疵或馳騖而役思故由於彼 逾紀總戎願言不暇今俟罪江徼榜徨歲深筐篋之中典 入聖門出於此而爭利器若乃淡然元點應變無方

欽定全唐文《卷一百九十六 囊君子所以有斯號者蓋欲保無咎於末光夫智可以養 隨和而不耀匣干越而寶藏雖不止如我報循渦然如括 學務敏擇仁乃廬斯先哲之所履亦庶幾於不渝然則天 智開閉不嬰世故舉始終而後入先奔沉而預慮或衛足 於危轍嗟乎水濟舟以致遠亦覆舟於畏途智排患以解 以全失於邦也臧不容而湯不沒彼前軌之昭然曾未戒 生乃能周物道無夷險用有工拙得於身也祭以免而首 紛亦有患於不虞將不殆於無涯信莫尚於冥樞或有好 無術故離形而盡去吕易宗於奇貨疾知來於武庫雖 李德裕

又何謨於大猷今我所謂智者乘五湖之浩蕩永終老於 乘勢與億中非淑人之所務賜夷子喟然嘆曰昔我經世 扁舟 徒聞智憂索遺珠而不得復明燭其馬求與萬物而道天 迎嚴居之幽遠有楚澤之杖臣方絕學以自爨誠未暇於 郡嚴室重複樣林鬱威樵採之子未嘗報音往往公流 下詣余求售余因積薪於庭竊有所嘆乃為積薪賦賦 積新賦井序

常棲隱淪詩旣嘉於刈楚傳亦嘆於析薪爾豈延瀨之客 突以斯陳苟知防患之術終無焦爛之實嗟長孺之味道 披棒悲顏子之飯煤感萊無之生塵時束蘊 欽定全唐文 卷六百九十六 常喻此而求伸雖後來而高處亦居上而先焚使薪為能 不已其生實勤客顧余而嘆曰貴則近禍富多不仁寄迹 訪達次於善鄰乃遇樵客維舟水濱余訊之曰樵採賤業 累積高下齊均矗若井幹叠似龍鱗避沈泉而無浸先曲 於此以養吾眞善大雅之知言信芻養之可詢旣而交加 不取金而且貧又豈叔敖之子以好廉而苦辛何乃負擔 李德裕 作以請

不近野田之燎免罹匠者之斤胃霰雪以終歲齊天年於 言之物豈容入爨而楊芬未若生幽崖之側糾芳桂之輪 永懷君子之心當欲報以詞賦屬力小一作任重朝夕盡 昔周道砥平旣安且寧赫赫公旦配德阿衡謂難守者成 癸丑歲余時在中樞丞相路公見遺欹器贈以古人之物 器悽然懷舊因追為此賦置公靈筵詞曰 **率固未暇於體物令者公已殁世余又放** 敬器賦 井序 旋作 逐忽觀兹

於器微冊 欽定全唐文 卷六百九十六 公之德入太廟而觀器觀一作遺法而嘆息且曰月滿 發輝光得其道者居則念於豐部動乃思於謙受顏旣 以中而自藏不以跌而自傷其過也如彼薄蝕其更也浸 之不竭益欲表人道之隆替明百事之有節然茲器也不 難持者盈始作茲器告於神明至仲尼憲文武之道思問 似君子之困蒙中則端平若君子之中庸既滿則跌一 霆流電發器如抵潰水若河決非神鼎之自盈異獨樽 "則是彼天道而常然欲久盛而馬得乃沃水 作察要終挹彼注兹受授作之者沖虚則難強 李德裕 則作 而

惟 和 **敬克已以復禮永報德於仁人** 為賢相余失之為放臣親遺物之猶在懷舊好而悲辛思 而不遠惠屢點而何咎知任重之必及悟物盈之難久 神道之無形常容然於前後音與君子同東國釣公得 江潭之下國況幽居於澤畔何螻蟻之微物亦有徒 郡多蚍蜉余所居臨流實繁其類或聚於在席或入於 終日原苦而不知可樂之術因戲為此賦令稚子煜 蚍 心蜉賦并序 雖

時而不息故學者得而稱馬戴粒而遊若巨鳌之冠神岳 凌亂或泮散於經笥或夤緣於食案余乃嚴而問之曰爾 聚無聲其行無迹值晏温而出遊當祁寒而入隙迅雷作 能居厚地而漏山阿無乃處吾身而為大患蟻不能言辭 繞磨而行若日月之麗清天若乃依垤綠壁溫溫英奕其 之乏亦開媽德之類親封穴而知而驗寸壤而得泉出以 以意宣其旨曰我禀形於造化亦一氣之所既嘗濟齊師 **針定全唐文 尽卷六百九十六** 11:11: 不駭微雨灑而自適生雖瑣細亦有行藏止若羣羊之 加旅雁之翔乘其便也雖顧鯨而可制無其勢也雖 1 李德裕

者以亂下若濤起於清濕俄矯異以歸來疑霰集於平 此賦 此郡帶江綠嶺野竹成林每向夕有白鷺羣飛集於林杪 蛭蟥而不傷今願悔過戢於垣墙豈同青蠅之點白汙君 爾其遊止有度不徐不疾散雪彩於江烟皎霜容於寒日 日之夕矣川陸載陰有羣飛之振驚顧傷匹而弄音始遵 今所居在峯岑之上臨眺 子之衣裳 振鷺賦井序 一川龍其往來有以自適因為

毛襂擺或暫往而得遊騰或終夕而守空陂隱青沙以延 憂慄若乃不爲為退常與鴻冥乍回合分如練忽家落分 如星陋汀葭之靡靡棲岸竹之青青又似素雄陳於曠野 欽定全唐文 卷六百九十六 **佇若田父之輟菑重曰振驚于飛于被滄洲聊自適於遐** 居恐搏獸之當路速乎天清潦收獨立連漪意態閒暇 亦扶疎而受露豈不知陂澤可宿荆榛易固惡下流而不 映楓葉而暫見入蘆花而還失嘆美羽之翩翻感余生之 曠本無心於去留思有客於微子愧植羽於宛邱信兹 禽 白筆森於廣庭悲夫綠篠枝弱巢非所據旣蕭瑟而多風 **李德裕** 古四

昔我與子同升玉堂回先帝之英盼被霄漢之輝光君雅 駕於長沙余建施於朱方且欲極山水之臨泛盡人生之 昔尚子平稱吾已知富不如貧貴不如賤未知存亡何如 耳陶靖節亦稱人生實難生如之何今作賦以問之 問泉途思沈侯也傳師也余與沈侯同侍禁林俱守藩 之可玩何必從海上之羣鷗 不廢賞心常嘆人世險製多言可畏固未得盡其所懷也 翰出入光龍垂二十年君性樂山水尤好絲竹良辰美景 問泉途賦并序

思之未忘寶瑟獨奏於門庭玉顏不畜出作於洞房今則 豈有樽酒接殷勤兮余聞神之清者上為列星德之粹者 艷姬復得見兮昔之哀歌復得聞兮誰為朋友展戲謔兮 求神道之髣髴或曰生特在於行樂死何用於虛諡或言 逝矣前祭可傷於是託意宵夢久而乃寐問具珠於故人 唯命名之不冺非苦節而安致彼終古之茫茫竟斯言之 樂康謝旣好於絲竹陶亦問於壺觴雖爵服之已貴何 欽定全唐文人卷六百九十六 復為賢人萬化轉續如在鎔釣或壽或天或鄙或仁亦受 誰是又曰君有瑶席尚可陳兮君有清香尚可焚兮昔之 李德裕

氣於蠻貊仍託形於介鱗獨讒人沒於泉下不得同於物 迫無極而值充躬有明龍而害正有儀尚之蔽忠茍不罹 有買生之痛招魂無宋玉之詞邈故園之家遠念歸途之 余兹年五十久嬰沉痼楚澤卑濕者無歸期恐田園將無 化懷君子之素風方俟命於昊穹無乃困武叔而見宏石 五十已至生涯可知在安樂而猶嘆况形神之支離傷壽 於此患固無傷於道窮 不遂懸車之適乃為此賦 傷年賦井序

舜等 矣子豈知之嗟世路之險隘矧鶩駒之已疲法先哲以行 未期顧稚子而悽惻想田廬而涕淚有客戾止 思種嬰患而且 辭嗟乎亢必有悔盈難久持李就寵而忘返豈黃犬之可 於脩道若遺風大風 止經險阻而勿違陽息駕於折坂思保身於不危文飛轡 自 尼晚而喜易卻毅老而敦詩原註國語公問元帥於 引非尉惟之所縣宜見險而高舉顧軒見其如遺雖 白ました。ませずしけと 尚朝聞於聖道雖年往而未衰余乃對日心之憂 乃 作審渺滄波而莫追雋畏勢 而載馳幸回車之未晚與此路而長 李德裕 E 形勢 一作畏

華之難企在哲人之所為何必求季主之盡性訪詹尹而 金月月了一大元十二 請飲酒不聞鴞音者浮以大白坐客皆企其聲終夕不 放逐當中夜同宴屢聞鴞音郇公執爵流涕嘆日長沙下 嘆其蕃也天寶末韋郇公謫守斯春時李鄴公亦以處士 父兮維絲旣已覺於今是豈遑遑於路岐 決疑商有山兮逶迤從園公兮採芝湘有水兮漣漪繼漁 國都公曰此鳥之聲人以為惡此好音聽之則無足悲矣 荆楚多飛鴞余所居在岑壑之中盖兹鳥族類所託不足 懷鴞賦井序

常合頹陽易沉何飛鴞之茂族盡棲息乎繁林余以修 委命行藏縱心旣無情於忌鵬非有嘆於集傷初未當張 せんきこ とこま こうしんしんびしょう 貌而聘胎由是翔集無所推顏逼威畫戢異於蒙籠夜 羅於黃薄射宿於川潯誠不忍於思炙惟載懷於革音嗟 而自庇或曰人之所處不宜來萃故聞其音而凄慘觀 氣標靜素於鴻鵠賦妍華於孔翠獨茲鳥之可傷無 我樂遐深幽居北岑積杉松之翠靄蔽箘簵之清陰風氣 夫天地之間禽有萬類彼場 余因其夜鳴不已 感前賢亦罹其患乃為此賦 华德裕 作鳳之靈姿故特禀於間

果而不窺我若不容於深谷使其伏窟而何之 黙以潜運倚伏難以預祈却作况乎愛子及室恩斯勤 士避世之人也班嗣亦稱漁釣一壑則萬物不好其志是 金竹全库文一着六百九十六 則樂而忘返莊生稱就數澤樂閒曠釣魚開處此江湖之 齊萬物以遂性豈美惡而異宜至人入鳥而不亂至治層 非畏之而可移桑集牙而戰勝施入笥而福級一作造化 鳴而悲思余乃嘆曰天有定命聖不能知彼冥數之未兆 余所居在江流之上每值清景必杖策獨遊見蘆人漁子 觀釣賦井序

臨江車以四望爱春水以悠悠赴滄海以東會引清湘而 知古之賢人皆樂於此彼之垂釣者未可量馬因爲觀 未悟悲聞道之已晚乃引舟而遠去子寂聽其拏音季 次日日日上一美三年七十八 曲發阿激之權謳觀其垂論川上或縱或收悟直鍼之其 於二子永棲遲於一邱徘徊春渚忽值釣舟奏小海之悲 歌誰想客有皓髮愣而招路問孔氏之何治獨危真而 水原北龍 楚詞察芳餌之自求追感夫子遑遑歲暮麟鳳不來註直 流想赐夷而可覿冀漁父之出遊將欲訪行止 **李德裕**

竹烟散而潭碧映微月於湍瀬獨哀複於嚴壁喜良夜而 猶放歌乎濯纓者乃川霧始收秋光向夕蘭露汝而風 不取思寄適於豪梁 不歸更鳴根而遠適或有畧小務大逸乎難量任公期年 皎而揚清漁父嘆其達俗大夫甘其徇名遂鼓枻而孤 殺而不顧逮乎屈平旣故飄爾南征不**況**況以隨波或 金ガノーたっつまってノーン 釣鰲品空何時而得蹟且夫一竿之説所貴不綱九 具難希顧筋顧余情之無欲彼大小而皆忘雖餌食而 班 竹筆管賦井序 往

節於若寒見虚心於君子始裁押惟截以成管因天資而 大日日日日 具美疑貝錦之濯波似餘霞之散綺自我放逐塊然嚴中 來鳳根連延兮倚鹿往者二如不從獨處滋岑望着悟以 溢瀾兮鋒修竹鷓鴣起兮釣輈白猿悲兮斷續實璀璨兮 玩不足因為小賦以報之 何精誠之感物遂散漫於幽林爰有良牧採之嚴址表貞 日遠無瑶琴兮怨深灑思淚兮珠已盡染翠莖兮苔更侵 山合沓兮瀟湘曲水潺湲兮出幽谷緣層顏兮茂奇篠夾 余寓居郊外精舍有湘中守贈以斑竹筆管奇彩爛然愛 李德裕

夫受天地之正者惟松柏而已故聖人稱其有心美其 雕蟲念楚人之所賦實周詩之變風昔漢代之方侈增 泰初憂而絕筆殷浩黙而書空忽有客以贈鯉遂起予以 金は人のたう 於詩人周得之以操贖張得之以書紳維兹物之日用與 非文犀之飾必象牙之管也徒有貴於繁華竟何資於和壁級以隨珠聚以翡翠此徒有貴於繁華竟何資於 化之齊均方資此以終老永躬耕於典墳 翰曾不知擇美於江潭訪奇於湘岸况乃彤管有煒 柳 柏 溉 井序

次定全事文 美人写七十八 李德裕 可陰蔚於臺樹故封植於園池嗟綠柏之貞苦爰自託於 窮節終秉心而不移觀夫竹嬋娟以挺秀松英茂以含滋 有時感松柏兮之作得真一作經隆冬而乃知常集霰於 惟天地之生物均覆載而不私雖草木之殊性皆樂落之 時不改斯得為之具美矣惜其生而遐遠人罕知之偶為 華不足徒植於精舍列於幽庭不得處園池之中與松竹 此賦以貽親友 相映獨此郡有柳柏風姿濯濯宛然夷楊而冒霜停雪四 凋豈無他木莫可傷匹予嘗嘆柏之為物貞苦有餘而姿

累熙 生 升不可備人亦如斯子張之容雖盛柳惠之貞 無際思故人分未期曾不得倚樹而題樹泛瑶瑟攀條而 則虧有長孺之正色無思曼之風姿嘆此物之具美以的 煙於夕景泣零露於朝職待連作秋實之繁行綴青珠以 或珍木而在兹齊蓊蔚於順者儷芬芳貞姿於桂枝遠而 東之聳幹參差疑翠旌之陸離迫而玩之布葉低垂若羽 幽崖或森森於寒壠或肅肅於江神 チャノ・スコーラファファファ 作蓋之威難又似翠列巢以羣棲鶯奮異而來儀含 而見遺非欲企瓊林於塵外方玉樹於前墀望舊國兮 作祠何炎徼之僻陋

嚴關芝慨路遠而莫致抑毫端而孔悲顧謂雅子煜起為 |昔周穆之南邁將奮旅於湘沅既隻輪而無返化君子以 爾賦日 茂實垂珠兮秋始繁彼變化兮不测馬知非張緒之精魂 語曰楚山側兮湘水源美斯柏兮託幽根條總翠兮冬轉 敢與猴相狎猴亦畏而避之昔傅休爽有猿猴賦但悅其 變態似優以為戲玩且不言二物殊性余合作賦以辨之 سألا 次已上与上、长大百九十六 郡多白猿其性馴而仁愛所止榛林不瘁果熟乃取不 白猿赋并序 李德裕 至

感行客之銷魂觀其雖為異物而猶善處動不為暴止皆 為 峻壑而電耀掛長離而勉垂避側足而不履尚有畏於 擇所裡松鬱而不殘植梨熟而後取顧於題與孫挺信 嘯 得而儒侣若乃靈變難測神通有知原註淮南子 危施於射則李控弦而盈貫用於道則華養形而不 而方接舉修適而止馳養矯矢而未發眄喬柯而 猿嗟物變而何常故族類而始蕃或哀吟於永夜或清 於朝敬奉合沓以連響水潺湲而共喧矧三聲之未 陀五禽戲 战狼也彼沐猴之佻巧雖貌同而心異既貪婪而且會虚放沐猴之佻巧雖貌同而心異既食婪而 オニーフー 女試 已悲凌 絶 阽 劍

自珍 钦定全唐文 卷六百九十六 事德裕 鴞於瑶席鳴杜魄於巴岷乃知人世之可厭不足控搏而 之子疲於負薪何止餘化熊而為厲哀成虎而不仁變 或少貴而老賤或始富而終貧中行之後因於献敢叔敖 以違性與感齊后以望恩掩泪嗟乎人之化也實可悲辛 亦躁動而不忌嗟斯物之旣馴有仁愛而可畏故鄧生 至